

ԳՐԱԿԱՆ

ԽՕՍՔ ՀԱՅ ԶԻՆՈՒՈՐՆԵՐԻՆ

Գիշերուայ այս խոհուն մենութեան մէջ, երբ մեր շորս կողմում դաւն է յօրանջում, եւ հորիզոնի վրայ սեւ ամպեր են կուտակուում,- ես հայ քաջերի համար խոնարհ պաշտամունքի խօսք ունեմ...

Հայ քաջեր, հայրենիքի սահմանները անառիկ պահող հին ու նոր զինուորներ, իմ երախտագիտութեան խօսքն եմ յղում ձեզ գիշերուայ այս անսահման խաւարում: Ուղեղիս մէջ խոնուած են ձեր կատարած, կատարուող եւ կատարուելիք բոլոր քաջագործութիւնները: Զարմանում, հպարտանում եմ ձեր հոգու արիութեամբ, ձեր մարմնաւորուած հերոսութեամբ, ձեր կեանքը հայրենիքին անմնացորդ նուիրելու հաստատակամութեամբ: Ինչքան յոյզ, ջերմութիւն, զգացմունքների յորդում կայ հոգուս մէջ: Զեզանից իւրաքանչիւրն ուսուցիչ է մեզ համար՝ մեծ ուսուցիչ, որն իր գործով է մեզ ուսուցանում հայրենասիրութեան ակնառու դասը, առանց որի չկայ ազգ ու հայրենիք: Մենք ուշի ուշով հետեւում եւ սերտում ենք ձեր անձնուիրութեան դասերը:

Զինուոր լինելը հեշտ բան չէ. բանակն իր օրէնքներն ունի, եւ մարտական բարձր պատրաստականութիւնն էլ հեշտ չի տրուում: Գուցէ հէնց այդ պատճառով է, որ ասում են, թէ բանակը երիտասարդին տղամարդ է դարձնում: Մեզ սովորեցրել են, որ զինուորը պէտք է կարգապահ լինի, ֆիզիքապէս կոփուած, ամուր, մարտունակ եւ խելացի: Զինուորը պէտք է մեծ կամք ունենայ՝ դիմագրաւելու վերահաս փորձութիւնները:

Մեր արիասիրտ քաջերը զինուորներն են այն բանակի, որի երակներում Վարդանանց արիւնն է հոսում: Եւ ոչ միայն Վարդանանց... Բոլոր ժամանակներում հայ ժողովրդի լաւագոյն զաւակները բանակն իրենց մէջ ամբարել ու պատրաստ են եղել կենաց-մահու պայքար մղել՝ յանուն հող-հայրենին անաղարտ պահելու:

Ասում են՝ ամէն սերունդ իր պատերազմն ունի: Մեր հայրերին Արցախեան պատերազմը բաժին ընկաւ, եւ ճակատագրի կամօք այնպէս եղաւ, որ հայոց ազատաբեր բանակը մեզ համար դարձաւ արցունքոտուելու չափ մօտ ու հարազատ:

Վերջին՝ 44-օրեայ պատերազմն աղետալի եղաւ: Տասնութ-քսան տարեկան հայ օճախի ճրագ զինուորները մինչեւ արեան վերջին կաթիլը պայքարեցին, որ անսասան պահեն հայոց սահմանները: Նրանցից եւ ոչ մէկի մտքով չէր անցնում նահանջել, փախուստի դիմել, սեփական կաշին փրկել, որովհետեւ այդ տասնութ-քսան տարեկան պարմանիները գիտակցում էին, որ պատասխան ունեն տալու իրենց նախնիներին, հայրենիքն իրենց վստահած ժողովրդին եւ գալիք սերնդին: Մահուան աչքերին նայելով, սպանուած եղբայրների դեռ չսառած արիւնը տեսնելով, վախից քարացած, ցաւից տնքացող որդեկորոյս մայրերի, չհարսնացած աղջիկների ու այրիացած կանանց տեսնելով էլ աւելի էր կարծրանում նրանց կամքը, ձեռքերն աւելի ամուր էին բռնեցնում, եւ սրտերն այրում էին վրէժի հրով:

Հայրենասիրութիւնն սկսում է այնտեղից, որտեղ վերջանում է անձնասիրութիւնը: Արցախեան գոյամարտի այդ հաւաոր օրերին բոլորս բռնեցրուած հետեւում էինք մեր զինուորների կատարած սխրանքներին, որոնց արեամբ սրբացւում էր հայոց հողը գրեթէ ամէն վայրկեան:

Յիշում եմ, մեր դպրոցի բակում կար մի խաչքար՝ աղբիւր-յուշարձան էր, որ նը-
ւիրուած էր զոհուածների յիշատակին: Մենք արիութեան դասեր եւ համերաշխութեան
միտինգներ էինք անցկացնում այնտեղ եւ ծաղիկներ էինք դնում յուշաքարին: Հիմ-
նել էինք հերոսների յիշատակի ծառուղի, այցելում էինք նաեւ Եռաբլուր, սակայն ինձ
համար նրանց յիշատակը յաւերժացնող ո՛չ աղբիւր-յուշարձանը, ո՛չ հերոսների յիշա-
տակի ծառուղին եւ ո՛չ էլ Եռաբլուրը չէին նոյնանում բանակի խորհրդանշի հետ: Թե-
րեւս պատճառն այն էր, որ մենք չէինք ուզում հայոց բանակի զինուորներին յուշաքա-
րերի ու մահարձանների վրայ որոնել:

Յաւերժ փառք զոհուածներին, խունկ եւ աղօթք նրանց անմար յիշատակին:

Այսօր մեր ազատութիւնը, անկախութիւնն ու հզօրութիւնը մեր՝ ողջերիս, այսօր-
ւայ եւ վաղուայ զինուորներին՝ Հայկի, Արամի ու Տիգրանի յետնորդների ձեռքում է: Որ-
քան էլ հորիզոնի վրայ սեւ ամպեր կուտակուեն, դաւը յօրանջի, մէկ է թշնամին միլիո-
ներորդ անգամ կը հասկանայ ու կը համոզուի, որ այն ազգը, որ մեռնել չի ուզում, չի
կարող սպանել նրան:

Յաւօք, մեր ազգը ծնել է նաեւ տմարդի ու դաւաճան զաւակներ, ովքեր խարդա-
ւանքով ու քծնանքով փորձել են եւ այսօր էլ փորձում են կոտորել հայ ազգի մէջքը:
Վստահ եմ քո ճանապարհին եւս հանդիպել ես նրանց: Զգո՛յշ եղիւր, բայց եւ պատրաստ՝
դիմագրաւելու կեղծ ու շողոմ խօսքերին, պատիր խոստումներին, մեղկ հրայրքների
լարած որոգայթներին: Մի պահ ետ նայիր մեր ժողովրդի անցած ուղուն. մենք շատ
ենք մնացել անտէր ու անթագ եւ դողդղացել ենք՝ հողմերին գերի...

Թող վասակները դիւանագիտութիւն խաղան, թող ճշմարիտ ու սուտ քաղաքա-
կան ելքեր հնարեն, մեր իմացած ելքը մէկն է՝ չտալ հայրենիքը թշնամուն, չթողնել, որ
նրա շունչն արատաւորի մեր սուրբ հողը...

Փոքրօգիներ, արեան ծարա՛ւ հրձիգներ, Հայաստանն ու հայը պատուով ու փա-
ռահեղ պատմութեամբ յարատեւել են, եւ յաւերժ է նրանց ճանապարհը: Այդ ճանա-
պարհին գտնուող խոչընդոտները վերացնելով՝ նրանք դարձեալ հասնելու են դարերի
փառքին:

Ասում են՝ մարդն իր կեանքում միայն երեք անգամ պիտի երգուի.

- անմնացորդ ծառայել հայրենիքին, շէնացնել հայրենի երկիրը,
- ամուր պահել սեփական ընտանիքը,
- սիրել ծնողներին եւ հնազանդուել նրանց կամքին:

Եւ եթէ վերջին երկու երգումը մարդ շշնջում է միայն իրեն լսելի ձայնով, շշնջում է
աղօթքի նման, ապա առաջինը կարող է բարձրաձայնել ի լուր աշխարհի եւ յետոյ ողջ
կեանքն ապրել այդ երգմանը հաւատարիմ:

Ոչ մի ազգ ուրիշների թողտուութեամբ չի յարատեւում: Մեր փրկութիւնը մենք ենք
նուաճելու: Եւ աշխարհը՝ քաղաքակիրթ, ապահով, բարեշէն եւ իմաստուն աշխարհը
դեռ բազում անգամ դառնութեամբ կու պիտի տայ նախանձի թուրք, երբ լսի հայ մտքի
ու հայ բազկի սխրանքների մասին: Մենք նոր խօսք ունենք աշխարհին ասելու, իսկ դրա
համար դեռ պէտք է ապրել ու հզօրանալ: Մեր բանակը եւ Աստուած մեզ ապաւեն: